

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA THELATHINI NA TISA

08 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA THELATHINI NA TISA – 08 JUNI, 2016

I. HATI ZA KUWASILISHA MEZANI:

WAZIRI MKUU:

Taarifa ya Mwaka ya Mamlaka ya Usimamizi na Udhibiti wa Hifadhi ya Jamii Nchini kwa Mwaka 2013/2014 (*The Annual Report of Social Security Regulatory Authority for the Year 2013/2014*).

Taarifa ya Mwaka ya Mamlaka ya Usimamizi na Udhibiti wa Hifadhi ya Jamii Nchini kwa Mwaka 2014/2015. (*The Annual Report of Social Security Regulatory Authority for the Year 2014/2015*).

WAZIRI WA FEDHA NA MIPANGO:

Taarifa ya Hali ya Uchumi wa Taifa kwa Mwaka 2015 na Mpango wa Maendeleo wa Taifa kwa Mwaka 2016/2017.

Taarifa ya Sera za Fedha kwa Kipindi cha Mwaka 2015/2016 na Mwelekeo wa Sera za Fedha kwa Mwaka 2016/2017.

II. MASWALI:

OFISI YA RAIS (TAMISEMI):

324. MHESHIMIWA JOSEPHINE TABITHA CHAGULA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Nyang'hwale ni moja kati ya Wilaya mpya zilizoanzishwa hivi karibuni ili kurahisisha utoaji wa huduma kwa wananchi:-

Je, Serikali ina mpango gani wa haraka wa kuwezesha kujenga ofisi na nyumba za watumishi katika Makao Makuu ya Wilaya eneo la Karumwa.

325. MHESHIMIWA SUSAN PETER MASELLE (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mwaka 2007 Serikali ilipima viwanja vya Luchelele Wilayani Nyamagana – Mwanza na iliendelea na mpango huo ambapo mwaka 2012 ilifanya tathmini na uhakiki kwa ajili ya kulipa fidia lakini hadi leo Wananchi hao hawajawahi kulipwa fidia zao:-


Je, Serikali inatoa kauli gani kwa Wananchi hao wa Luchelele kuhusu hatma yao hasa ikizingatiwa kuwa Waziri wa Ardhi alitoa ahadi mwaka 2015 kuwa atalitua tatizo hili ndani ya mwezi mmoja.

WIZARA YA UJENZI, UCHUKUZI NA MAWASILIANO:

326. MHESHIMIWA YAHAYA OMARY MASSARE (MANYONI MAGHARIBI):

Atamuuliza Mheshimiwa Waziri wa Ujenzi, Uchukuzi na Mawasiliano:- Mheshimiwa Rais wa Awamu ya Tano katika kampeni zake za uchaguzi alipokuwa Itigi aliombwa na Wananchi wa Itigi kuwajengea barabara ya kuingia Mji wa Itigi yenye urefu wa km. 8.3 na akakubali:-

Je, ni lini barabara hiyo itajengwa kama ilivyoahidiwa.



327. MHESHIMIWA ABDALLAH DADI CHIKOTA (NANYAMBA):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itapeleka huduma ya Mawasiliano ya simu ya Mkononi kwenye Kata za Mbembaleo, Nyuundo, Mnima na Kiyanga.

WIZARA YA MAMBO YA NDANI YA NCHI:

328. MHESHIMIWA MASOUD ABDALLAH SALIM (MTAMBILE):

Atamuuliza Mheshimiwa Waziri wa Mambo ya Ndani ya Nchi:- Kumekuwepo na ajali nyingi zinazosababisha vifo na majeruhi barabarani, baharini pamoja na kwenye maziwa:-

Je, ni ajali ngapi zimetokea barabarani, baharini na kwenye maziwa kuanzia Januari, 2015 hadi sasa.

WIZARA YA FEDHA NA MIPANGO:

329. MHESHIMIWA RASHID ABDALLAH SHANGAZI (MLALO):

Atamuuliza Mheshimiwa Waziri wa Fedha na Mipango:-

Je, ni lini Serikali itashawishi Benki za Biashara kuwekeza katika Jimbo la Mlalo ambalo mzunguko wa fedha ni mkubwa sana kutokana na magulio ya mboga mboga na matunda.

WIZARA YA MAJI NA UMWAGILIAJI:

330. MHESHIMIWA ALBERT NTABALIBA OBAMA (BUHIGWE):

Atamuuliza Mheshimiwa Waziri wa Maji na Umwagiliaji:-

- (a) Je, ni lini Mradi wa maji wa Mnanila, Mwayaya na Mkafanga utanza kutoa maji kwa kuzingatia ahadi za Mhe. Rais Dkt. J.P. Magufuli;
- (b) Je, kwa nini Serikali haitoi fedha ili kumaliza miradi ya maji ya Munzenze, Kirungu na Nyamugali ambayo sasa imekuwa kero kwa Wananchi.

331. MHESHIMIWA MARGARET SIMWANZA SITTA (URAMBO):

Atamuuliza Mheshimiwa Waziri wa Maji na Umwagiliaji:- Serikali ina mkakati wake wa kupata maji kutoka Mto Ugala ili kukabiliana na uhaba mkubwa wa maji katika Wilaya ya Urambo:-

- (a) Je, ni hatua gani zimechukuliwa hadi sasa katika kutekeleza azma hiyo na kiasi gani cha fedha kimetumika;
- (b) Je, ni kiasi gani kimetengwa kwa mwaka mpya wa fedha;
- (c) Je, ni lini mradi huu utafikisha maji Urambo.

WIZARA YA MALIASILI NA UTALII:

332. MHESHIMIWA ENG. ATASHASTA JUSTUS NDITIYE (MUHAMBWE):

Atamuuliza Mheshimiwa Waziri wa Maliasili na Utalii:- Mwezi Septemba, 2015 Mhe. Rais Dkt. J.P. Magufuli aliwaahidi Wananchi wa Kata za Busonzu, Busagara na Murungu ambao wamepakana na Hifadhi ya Taifa ya Muyowosi kwamba mpaka kati ya Wananchi hao na hifadhi hiyo utarekebishwa ili Wananchi wapate eneo kwa ajili ya kilimo:-

Je, utekelezaji wa ahadi hiyo utanza lini.

333. MHESHIMIWA IGNAS ALOYCE MALOCHA (KWELA):

Atamuuliza Mheshimiwa Waziri wa Maliasili na Utalii:- Mbuga ya akiba ya Uwanda katika Wilaya ya Sumbawanga Vijijini ilitengwa miaka ya nyuma wakati idadi ya watu ikiwa ndogo sana ikilinganishwa na sasa:-

(a) Je, Serikali ina mpango gani wa kulipunguza pori hilo ili kunusuru shida inayowapata wananchi wanaozunguka eneo hilo ya kukosa maeneo ya kilimo na ufugaji;

(b) Je, kwa nini Wananchi wa maeneo hayo wanapigwa na Askari wa Wanyama Pori na kunyang'anywa mali zao, wakati hakuna alama yoyote inayoonyesha mpaka katika Mbuga hiyo;

(c) Je, Wananchi wa Vijiji vinavyozunguka Pori hilo wamenufaika na nini zaidi ya vipigo wanavyovipata.

III. HOJA ZA SERIKALI:

WAZIRI WA FEDHA NA MIPANGO:

Kwamba, Bunge sasa likubali kujadili Hali ya Uchumi wa Taifa kwa Mwaka 2015 na Mpango wa Maendeleo wa Taifa kwa Mwaka wa Fedha 2016/2017.

SAA 10.00 JIONI:

Kwamba, Bunge sasa likubali kupitisha Makadirio ya Mapato na Matumizi ya Serikali kwa Mwaka wa Fedha 2016/2017.

**DODOMA
08 JUNI, 2016**

**DKT. T. D. KASHILILAH
KATIBU WA BUNGE**